

〔清〕夏鼎 著

幼
科
鐵
鏡

中國醫學大成續集

幼科鐵鏡提要

清·夏鼎著。鼎字禹鑄。貴池卓溪人。其上卷。列九恨、十三不可學、十傳。治病不可開門殺賊。不可開門揖盜。湯方內更換藥味說。實驗推拿各法。卓溪真傳口訣。推拿代藥歌。辨臍風及各胎病。開諸驚之謬。闡明發驚之由。兼詳治驚之法。辨驚有痰盛風盛熱盛之別。辨癇證、辨慢脾證、瘥病。其下卷、列其他各雜證。從實驗中辨明俗醫治病之誤。如九恨之恨挑筋割肉。不辨病在何處。動手便挑。又恨一見有痰。動用牛黃竹瀝貝母。爲除痰要藥。不知痰有寒熱。熱痰見此。真似滾湯潑雪。寒痰見此。竟是雪上加霜。豈可概授。又恨俗醫退熱必用柴胡。不知寒熱有表裏之殊。柴胡專屬解表之味。若脾虛腎虛。氣血兩虛諸燒熱。亦用柴胡。豈不愼事。

等云。皆足爲俗醫啻頭棒喝。凡爲兒科醫者。豈可不一讀是書。

貴池夏禹鑄先生手著

幼科錢鏡

藜照書屋
梓行

幼科鐵鏡序

自太極判而陰陽分。天地之間。有正氣卽有邪氣。正氣長則邪氣消。正氣衰則邪氣旺。消長衰旺之間。天地不能自主。而至人調變之功出焉。人身一小天地也。方嬰兒在胎時。元氣渾淪耳。關節臟腑自然而成耳。一離母腹。卽納外氣。寒暑燥濕。感而疾生。或生於陰。或生於陽。陽受則入六腑。陰受則入五臟。而嬰

兒元氣漸損焉。若非保傳之力。藥石之功。幾何而不致漸滅耶。故古之至人。卽以調燮天地者。通其理於人身。自神農氏而後。學者大小不一。要不離乎扶正祛邪者。近是然。則醫之爲道。豈渺小哉。夏子禹鑄。爲秋浦儒家世族。早登賢書。予於簿書之暇。每諮而訪焉。冲夷粹穆。有仁者風。間出其所著幼科錢鏡。予披閱一過。乃掩卷歎曰。信哉仁人之言。其利

溥哉。是集也。其學問邃。其理湛深。而於人身之中。靡不洞燭。勿使有所壅閉湫底。正者扶之。邪者祛之。瞭然不差毫髮。雖古和緩諸人。何以加茲。况以吾儒而兼術若是。揆之和緩。古今人同不同。未可知也。昔范文正公爲布衣時。就相士卜曰。不得爲相。願爲醫。始爲是坎。夫立德立言立功。古人稱三不朽。夏子之道德文章固足標幟。而是集得於家學淵源。

以公於世。功曷有量。三不朽蓋兼之矣。

皆

康熙乙亥端月遼陽梁國標正夫氏題於貴

池官署



跋

卓溪先生爲吾儒碩望。而世研保嬰之術。先生推其仁愛之理於斯道。愈請精微。故襁負臂挈。以造其庭。先生或爲撫摩。或投藥石。霍然而起者。日難數計。復慮宇宙之不廣。能遍及。著爲成書。鋟以行遠。壬午歲。先生送兩公。即赴試秋闈。枉顧余於江上之浣林。手出是編。讀其九憾。十三不可學。十傳圖說諸篇。靡不條分縷晰。較夫青囊金匱之書。又有

足多者是宜與青囊金匱同驅并駕者矣因江舟之便亟請其版來而俾之印工印茲多本永廣其傳云

味冰王瞰識

跋

余與卓溪夏先生未締姻誼之先。只聞幼科之妙。然未得其所以妙。及已酉同應秋試。共朝夕雖數月餘。僅聆其大槩。亦未悉得其所以妙。承不忘車笠。得與菊江馮長源暨諸同志共親斯道之教焉。嘗以所得指示之精微。攻嬰兒之病患。未有不如發蒙振落之易者。今先生以兩代經驗之精神著爲一書。公諸海內。余輩於中無有贊一辭焉者。能不愧與幸皆攜。

訣歸來。何敢忘所自出。因敬爲之跋。

眷弟穿山方任紹文氏

門人菊邑馮瀛長源氏

蘭水

葉一隆興伯氏
何文垣斗維氏

桐城張淡文山氏

郡城王汲三氏

豐泉姪堦陳之仰觀文氏

羅邨子堦方泰來平階氏頓首跋

幼科鐵鏡凡例

凡治嬰兒病不望顏色不審苗竅故病不應藥是書惟以望顏色審苗竅六字爲大主腦

凡症俱有顏色可望苗竅可審獨驚癇瘵三症顏色苗竅俱非本來無處拿捏是書洞決死生俱屬先君從百千嬰兒中偵探出來的辨明形狀俱屬先君從百千嬰兒中體認出來的治法藥味俱屬先君從百千嬰兒中嘗試出來的故是書於此三症則冠以初明有曰

凡前輩圖繪各穴俱任意裁插鮮不差謬是書圖穴由兩代

老索毫不舛錯。

凡症所載推拿者俱屬必效。不准者如老漢扳繪猿猴摘果之類。盡行刪汰。

凡症推三關。必須少推。臍上以應之。推六腑。必須少推三關以應之。防補瀉太過。

凡症屬載明燈火艾炙。俱起死回生秘法。

凡症下無湯散名。只有藥味者。俱卓溪自立方。歷驗始載。

凡有夏禹鑄曰。其中多出已見。發明至理。亦從治效過立說。凡症立說引喻。俱屬疑團。不譬不明。

凡症後間附效案。係症有疑難。傳以較核。

凡症初起不用丸散。因五臟病有輕重。臨症用劑。必有加減。如丸散藥味分兩已定。倘內有一二味與症不宜者。抽不出來。模糊投入。反生別病。予於暫症。必不肯用。若用丸散。殊是症屬一家。

凡口訣有古人舊訣。有卓溪新訣。新訣上註卓溪二字。

凡字句用夾圈者。是大主腦。用尖圈者。是認法。用單圈者。是緊要。

一執壅認法。乃卓溪生平第一着得意處。自分亦能上繩父

武。出以傳世。更當研究。

一。痲症大小方脉書獨不齒及。多因症屬至輕。邇來痲症爲患最重。余每臨症。只從脾肺兩臟看虛實。肺臟大腸探根苗。於中剖出治法。一劑必效。用以傳世。此乃發造物未發之秘。補先輩不足之書。

凡推拿。古人以之代藥。後人竟以推拿爲兒戲。並不知推應何經。拿應何臟。所代何藥。以致輕症加重。亡症速死。予特賦出某推當某藥。某拿抵某味。使人曉得用推拿便是用藥味。藥味既不可悞投。推拿又何可亂用。

幼科鐵鏡目錄

第一卷

九憾

十三不可學

十傳

治病不可開門殺賊說

治病不可開門揖盜說

湯方內更換藥味說

面各穴圖

掌面水底撈月引水上天河至洪池圖

掌面運八卦大指正面脾上位次并說及退下六腑圖

手背正面推上三關揀五指節圖